

- Gratia fama fides tecum gradiuntur alacres,
 Ast hilarem mentem dant fidos inter amicos
 Et faciunt toto notum sine crimine mundo.
 95 O utinam fieri uelles pars maxima nostri,
 Esses quam carus, quanto fruereris honore!
 Nobilis occulto germen uelut arboris aeuo,
 Cordibus hinc amor in nostris inolesceret amplis.
 Sed quia nobiscum presens cum forte maneres,
 100 Agnoui fraudem, uerbis cum sepe politis
 Frustra uouebas ad nos iterum repedare —
 Tunc bene callebas domum se res ut haberet —
 Inde meas ignis uaporabat namque medullas,
 Qui modo me torret flamis crepitantibus acris,
 105 Glutine me iunxi quoniam tibi dulcis amoris.
 Hoc tua multiplices odas mihi uerba dicantes
 Perpetuo conseruo loco mihi saepe legenda,
 Mentio felicis nostri sint hec ut amoris.
 Pagina letificet, praesentia cui tua non est,
 110 Sermoque conciliet, uisus quem cernere differt.
 Hec mox composui uestro compulsus amore
 Et paupertinis pones compluscula uerbis.
 Impendi me uerbosum, tamen hoc amor egit.
 Quod superest, et si uoto frustror ueementi,
 115 Aeternum cupio letus bona tempora ducas,
 Exaudire simul millesima prospera de te.
 Constantine, decus nostrum, per secula salue.

II.

- Conuenio signis, quem conuenisse loquelis
 O utinam quirem transmisso tempore fratrem,
 Cautum, peruigilem, signatum uoce Bouonem.
 Qui me prouexit, qui laudibus extulit olim,
 5 Qui si forte meos mores cognosset et actus,
 In memet laudem, fateor, non diceret ullam.
 Sed quoniam magni duxit me laude beari,
 Laudandus michi semper erit, dum uita manebit,
 Mirandum sed ei quo tantus fluxerit ardor
 10 Tantaque nesciti creuit dilectio fratris,
 Ut me laudaret quem nondum creuit ocellis,
 Nec confedustum sibi iam sociarat amicum.
 Sentio credo bonum uena qua prodiit illud.
 Gens quacumque uenit physi remeabit ad ipsam.
 15 Nempe genus hominum peperit natura creatrix,
 Quod tractare bonum semper faciendo suescit.

v. 102 'domum' passt weder zum Sinn noch zum Vers; vielleicht domui statt domi W. v. 108 nostrae Hs. v. 114 frustror Hs. v. 116 millesima Hs.